



Doris Jakobsen Jensen
Inatsisartunut ilaasortaq, Siumut

Qimmit pillugit saaffiginnittarfimmik pilersitsinissaq pillugu § 37 naapertorlugu apeqquutip nr. 218/2020-p akineqarnera

12-01-2021
Suliap nr. 2021-244
Allagaat nr. 15736509

Asasara Doris Jakobsen Jensen,

Postbos 1029
3900 Nuuk
Oqarasuaat: +299 34 50 00
E-mail: ikin@nаноq.gl
www.nаноq.gl

Inatsisartut suleriaasiat naapertorlugu apeqqutigisannut qujanaq. Apeqqutigineqartut tullinnguuttuni akissuteqarfignissavakka.

Apeqqutigineqartoq:

Kalaallit qimmiinut qimuttunut qitiusumik Ilulissani allattoqarfeqalernissamik suliniut sumut killippa?

Akissut:

Oqaatsini atorneqartuni assigiinngitsoqarnera pissutaalluni § 37 naapertorlugu apeqqutigineqartoq assigiinngitsumik paasineqarsinnaasoq Naalakkersuisut maluginiarpaat. Kalaallisoortaanii kalaallit qimmiinut qimuttunut Ilulissani qitiusumik allattoqarfimmik pilersitsinissaq pillugu suliniummot killiffik apeqqutigineqarpoq, danskisuuani kalaallit qimmiinut qimuttunut qitiusumik Allattoqarfik (Qimminut Sullissivik) pillugu suliamut killiffik apeqqutigineqarluni.

UPA2020/211-p suliarineqarnerani Naalakkersuisut akissuteqarnerminni aallarnisaasut namminnerlutik qimminut qimuttunut kulturip piginnarnissaanut suliniuteqartut nassaassaasut taavaat. Matumani ilaatigut qimminut qimuttunut sullissivik Arctic Living Ilulissat pineqarpoq. Sisimiuni namminersorluni ingerlataqartup ukiuni tulliuuttuni qimminut qimuttunut sullissivimmik pilersitsiniarluni pilersaaruteqarnera pillugu Naalakkersuisut aamma ilisimatinneqarsimapput.

Naalakkersuisut kalaallit qimmerisaat pillugu UKA2019/UPA2020/211 pillugu Kultureqarnermut Ilinniartitaanermullu Ataatsimiititaliap apeqqutaanut 14. februar 2020-meersumut akissutigineqartumut innersuussuteqarusupput. Apeqqutigineqartut Aalisarnermut, Piniarnermut Nunalerinermullu Naalakkersuisoqarfiup suliassaqarfianut tunngammata apeqqutigineqartut akineqarnissaannut ilanngussassanik naalakkersuisoqarfimmu piniartoqarsimavoq.

Ataatsimiititaliamit apeqqutigineqartut akissuteqarfignineranni Ilulissani takornariat ornittagaannut "Ilulissat Kangiani Sullissivik" atatillugu qimminut qimuttunut sullissivimmik pilersitsisoqarsinnaanera pillugu takorluugaq siunissami qimminut qimuttunut kulturip piginnarnissaanut periarfissatut isigineqartoq atuarneqarsinnaavoq.

Takorluugaq Naalackersuisut qupperneranni taaneqarsimasoq suliniutitut suli aallartinneqanngilaq, aamma suliatur, matumanilu takorluugaq kisimi suli pineqarpoq.

Naggasiutigalugu kalaallit qimminut qimuttunut kulturiata pigiinnarnissaa ineriartortitsiffiunissaalu siunertaralugit UKA2020/211-ip ilaatigut malitseqartitsiffigineratut Arctic Nomads pillugu suliniummi innersuussutigineqartut Naalackersuisut misissuiffiginiarmatigit paasissutissiissutigineqassaaq.

Inussiarnersumik inuulluaqqusillunga


Katti Frederiksen